

Na osnovu člana 13. Zakona o principima lokalne samouprave u Bosni i Hercegovini ("Službene novine Federacije BiH", br. 49/06 i 51/09), člana 23. i člana 104. stav (1) Statuta opštine Ilijaš - Prečišćeni tekst ("Službene novine Kantona Sarajevo," broj 20/09) i člana 99. stav (1) Poslovnika Opštinskog vijeća Ilijaš ("Službene novine Kantona Sarajevo", broj 2/10 i 18/15), Opštinsko vijeće Ilijaš, na sedmoj sjednici održanoj dana 30. marta 2017. godine, donijelo je

ODLUKU

O DAVANJU MIŠLJENJA I SAGLASNOSTI KANTONU SARAJEVO NA PRIJEDLOG ZAKONA O IZMJENI ZAKONA O KOMUNALNIM DJELATNOSTIMA

Član 1.

Ovom Odlukom daje se pozitivno mišljenje na Prijedlog Zakona o izmjeni Zakona o komunalnim djelatnostima i saglasnost Skupštini Kantona Sarajevo za njegovo donošenje.

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-733-4-/17
30. marta 2017. godine
Ilijaš

Predsjedavajući
Opštinskog vijeća Ilijaš
Mahir Dević, s. r.

Na osnovu člana 13. Zakona o principima lokalne samouprave u Bosni i Hercegovini ("Službene novine Federacije BiH", br. 49/06 i 51/09), člana 23. i člana 104. stav (1) Statuta opštine Ilijaš - Prečišćeni tekst ("Službene novine Kantona Sarajevo", broj 20/09) i člana 99. stav (1) Poslovnika Opštinskog vijeća Ilijaš ("Službene novine Kantona Sarajevo", br. 2/10 i 18/15), Opštinsko vijeće Ilijaš, na sedmoj sjednici održanoj dana 30. marta 2017. godine, donijelo je

ODLUKU

O DAVANJU MIŠLJENJA I SAGLASNOSTI KANTONU SARAJEVO NA PRIJEDLOG ZAKONA O IZMJENI ZAKONA O KOMUNALNOJ ČISTOĆI

Član 1.

Ovom Odlukom daje se pozitivno mišljenje na Prijedlog Zakona o izmjeni Zakona o komunalnoj čistoći i saglasnost Skupštini Kantona Sarajevo za njegovo donošenje.

Član 2.

Ova odluka stupa na snagu danom objavljivanja u "Službenim novinama Kantona Sarajevo".

Broj 01/1-02-733-4-/17
30. marta 2017. godine
Ilijaš

Predsjedavajući
Opštinskog vijeća Ilijaš
Mahir Dević, s. r.

Na osnovu člana 6. i člana 56. Zakona o prostornom uređenju ("Službene novine Kantona Sarajevo", broj 7/05), člana 6. Odluke o građevinskom zemljištu Opštine Ilijaš ("Službene novine Kantona Sarajevo", br. 3/14, 1/15, 5/15, 24/16), člana 23. i 55. Statuta Opštine Ilijaš ("Službene novine Kantona Sarajevo", broj 20/09), Opštinsko vijeće Ilijaš, na sjednici održanoj dana 30.03.2017. godine, donijelo je

ODLUKU

O UTVRĐIVANJU NOVOG GRAĐEVINSKOG ZEMLJIŠTA I PLANA PARCELACIJE ZA IZGRADNJU TURISTIČKO-REKREACIONOG KOMPLEKSA "PIONEERS SYSTEM" D.O.O. SARAJEVO U MJESTU LJUBINA

Član 1.

Ovom Odlukom utvrđuje se novo građevinsko zemljište i Plan parcelacije (Elaborat cijepanja) za formiranje jedne građevinske parcele za izgradnju turističko-rekreativnog kompleksa "PIONEERS SYSTEMS" u mjestu Ljubina.

Član 2.

Plan parcelacije naselja čine katastarske parcele k.č.br. 703,701,700/2,700/1,699,698 K.O. Ljubina po novom promjeru na lokalitetu Ljubina. Lokalitet je nepravilnog oblika, a ukupna površina obuhvata iznosi 6.459,00 m².

Turističko-rekreativni kompleks "PIONEERS SYSTEMS" u mjestu Ljubina se sastoji od jedne građevinske parcele planirane za izgradnju:

- POSLOVNIH UGOSTITELJSKO SMJEŠTAJNIH OBJEKATA: 1 hotelski objekat dim: (25,00x15,00)m, spratnosti Pod+P+3S sa 10 bungalova dim:(6,40x6,40+2,4x3,10) m spratnosti prizemlje sa galerijom;
- SPORTSKO REKREATIVNIH POVRŠINA: mini golf teren, košarkaški teren, fontana, uređenje pješačkih šetnica, postavljanje klupa i sportskih rekvizita sa uređenjem zelenih površina;

SAOBRAČAJNICE UNUTAR KOMPLEKSA: min. širine profila kolske saobraćajnice 4,0-5,0 m sa izgradnjom parking prostora na ulaznom dijelu turističko-rekreativnog kompleksa.

Član 3.

Sastavni dio ove Odluke je Grafički prilog Elaborat cijepanja, ažurna geodetska situacija-parcelizacija.

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01/1-02-733-6-/17
30. marta 2017. godine
Ilijaš

Predsjedavajući
Opštinskog vijeća Ilijaš
Mahir Dević, s. r.

